

E temporada di Driekiel a cuminsa



ORANJESTAD - Dos siman pasa e prome neishi a wordo señala dilanti di hotel Amsterdam Manor. Asina e fundacion Turtug

Aruba ta informa nos.

Riba e potret di e Driekiel-o-Meter por wak cu awor tin dos neishi caba. E webonan tin un incubacion di 60 – 70

dia, anto falta mas o menos dos luna te cu e chikitonan lo bay sali.

E Driekiel su nomber na Ingles ta Leatherback Sea Turtle, sin duda un bon nomber, pasobra e casca di e bestia no ta duro, mas bien manera cuero, asina e fundacion ta informa.

E ta e turtuga di mas grandi di tur e 7 sorto di turtuga marino cu ta existi riba nos planeta. Aruba tin e honor di ricibi e bestianan aki cada aña como “repeat guest” mas historico di nos isla.

E Driekiel no ta biba den e lama Caribe, sino den e awanan friu di parti Norte di Oceano Atlantico. Su cumin-da ta existi di jellyfish grandi. Cada 2-4 aña e turtuga embra ta bin bek na e Mar Caribe pa pone webo na e beach unda e mes a nace.

E no ta bin landa for di tan leu pa pone un neishi so, pero cu un periodo di un 8- 12 dia e ta pone un promedio di 7 neishi den un temporada.

2016 no tabata un bon aña

E aña pasa tabatin 20 neishi di Driekiel riba Eagle Beach, di

solamente dos diferente turtuga embra.

Nan dos a haci un super bon trabou. Pero den su totalidad 2016 no tabata un aña hopi exitoso pa e Driekiel y na otro islanan di Caribe tampoco, segun Turtug Aruba.

E Driekielnan traha neishi tambe na Arashi, Andicuri, Boca Grandi y otro beachnan grandi. Por fabor yama e Turtle Hotline pa meld actividad/ marcanan di turtuga riba e beach mesora, asina e fundacion ta pidi e comunidad.

